

# Ind'è Mè

A campa chi l'eternu ùn si compie dumane  
Chi eiu vogliu vede e custere landane  
Quelle chi tantu notte mi fecenu vighjà  
Oghje cù i mio ochji e vogliu accarizzà

Vogliu vede u sole quand'ellu avvia insù  
E scopre 'ssi paesi ch'ellu scalda di più  
A rombu di calmane 'ssi lochi ch'ellu frusta  
Fendu a ghjente mora è a tarra di rusta

Voggiu vede e stese di l'eterna cutrura  
Ciuttammi in u silenziu, a pace cusi pura  
Di 'ssa notte chi campa un paghju di stagione  
E dorme sunniendu un antru viaghjone

Eppo' di l'oriente sapè ogni profume  
Di e Meriche luntane vede splende u lume  
Varcammi ogni mare, i calmi è i furiosi  
Scopre d'ogni muntagna l'andati i petricosì

E mezu à 'ssi viaghji chjode l'ochji una stonda  
Arreghe di li ghjorni a corsa vagabonda  
E vultà ind'è mè è beie à 'sse surgente  
Chi da sempre stancionu e sete di a mio ghjente

Chi tanti sogni scemi, chi tanti viaghjoni  
I sicreti da scopre l'aghju qui à miglioli  
Di ventu, di muntagna, di machja è di strado  
Ognunu più lucente cà quelli di l'altro...